

新纂雲南通志

第五
卷十
冊

新纂雲南通志卷五十目錄

地理考三十

古蹟三

臨安府

新纂雲南通志卷五十

地理考三十

古蹟三

臨安府

建水縣

賁古廢縣 在州東南漢縣屬益州郡漢書地理志益州郡賁古後漢書郡國志賁古采山出銅錫羊山出銀鉛蜀漢屬興古郡晉因

之東晉時廢

清一統志

道光志賁古在今羅平州平彝縣等處建水爲漢勝休毋憊地

按水經注引馬援上奏曰從麗冷水道出進桑王國至益州賁古縣又曰從麗冷至賁古擊益州云云考進桑爲今之河口等地目此北行至賁古則賁古當距今河口不甚遠且賁古當爲益州郡最南之一縣其地應在今開遠東境及硯山文山之地道光志案

語謂賁古在今羅平州平彝縣等處恐未確又麗冷之麗漢書地理志作麗

臨安廢衛 在城東明初建以指揮使領之並設五千戶所屬焉清

康熙六年裁

臨安府志

寧遠廢州 在城西南一百餘里明初置萬曆末廢今俗呼河底即

故州治址存

雍正志

古軍營 在府西城外

臨安府志

讀書臺 在城內學宮旁地勢高起如臺明洪武中學士王奎都御

史韓宜可謫戍時講業於此

雍正志

成化中訓導趙子禧構亭於上

臨安府志

將臺 有二一在城北白鶴舖明定遠伯沐昂駐兵處

雍正志

一在府城

西北左伯駐兵處俱有遺址

臨安府志

撫蠻臺 在城西北三里明巡按姜思睿招撫土蠻因築臺於此

雍正志

仙人洞 在城南十五里李金階修養於此

臨安府志

楊知州莊 在城東南五里元知州楊和居此雍正志今名楊家莊臨安府志

劉僖拜北處 在雲龍山真武閣旁僖明末時知建水州城陷不屈

於賊遁跡雲龍山朝夕望北泣拜憂憤而卒臨安府志

知縣郡人蕭大成劉僖拜北處

停停山上雲勞勞山下路炎蒸六月天送客山前去微風蕩層雲暮然山對晤策馬叩天門披榛啓石戶圓相陶穴前武功拜北處至今生氣存鬼神儼可護不有千古人名山空盤踞我欲伐山石表此忠義墓鐵畫剖鴻蒙永作山天柱

銅壺滴漏 在城東樓創自明洪武甲戌年規制精巧賓陽測晷時

刻節令絲粒不爽萬曆六年兵備道許宗監重修古今圖書集成永曆丁亥

焚燬今僅存遺址臨安府志

瑞蓮館 在城北書屋也明嘉靖辛酉池開瑞蓮是科鄉試蕭崇業

張法孔等十人登科者九知府章士元額其堂曰瑞蓮館臨安府志今圯

道光志

借綠舫 在府署中舫前疊石爲小山玲瓏透露宛若洞天一品牆

外喬木數株交青布綠四時不改知府王文治題曰樹在鄰家借

綠看

臨安府志

觀音倉 在府治西南廣府倉內不知創自何年有閣中奉觀音大

士像高二丈許

建水州志

天柱塔 在城東二十里巖洞山頂清道光三年郡人王恕倡首同

士庶公建高三丈有奇

道光志

玉皇閣塔 在玉皇閣後殿元時建明少宰包見捷軍門王恩民重

修清嘉慶四年暴風傾圮道光六年生員王化淳重建

道光志

居敬堂 在城東二里廢臨安衛北明指揮萬賓建

雍正志

今圮

道光志

惠宣堂 在城北里許明知府陳禮建今圮

雍正志

朝陽樓 即府城東樓創自明初高百餘尺爲南中大觀西南北樓

皆準此永曆丁亥燬於兵惟此巋然猶存臨安府志清道光二十年貢生

王時熙等重修

道光志

環翠樓 即建水城南樓平疇綠畦一望葱蒨清一統志清光緒八年巡道

沈壽榕倡捐重建

光緒志

望京樓 即建水城北樓與南樓相對清一統志清光緒八年巡道沈壽榕

倡捐重建易名觀光樓

光緒志

鐘樓 跨東南隅雉堞上洪鐘高百尺圍二丈有奇

臨安府志

靖邊樓 舊名寧邊樓在永貞門鎮署之左跨通衢高三十餘尺上

設鐘鼓司更籌

參臨安府志及採訪

春風亭 在崇文書院山長講學之所臨安府志清光緒四年知府孫逢源

倡修

光緒志

半閒亭

在東林寺內明知府章士元省耕時嘗憩息於此題曰此

心到處祈民福何日空門結淨緣

臨安府志

挹爽樓

即府城西樓清光緒八年巡道沈壽榕倡修

光緒志

太平樓

在府治東通衢清同治三年建時館驛賊不時攻襲郡城

邑人建樓以資守禦後賊屢敗不敢窺伺因名曰太平

光緒志

珂里樓

在城北里許原名珂里清咸豐間燬於兵同治六年里人

重建地居城鄉之間風俗樸厚老者多享期頤幼者皆知禮讓知

府葉燦章題額曰仁壽里

光緒志

文里閣

在環城街清嘉慶間建光緒十年里人重修

光緒志

文獻明邦坊

在大水塘明嘉靖三十年巡道蔣宗魯知府章士元

建於迎恩塘清康熙五十五年知府張玉樹移建永善街咸豐五年燬於兵光緒十一年知府松林重建今地

光緒志

白雲洞

在曲江獅子山相傳洞口時現白雲邑人建寺其地雲樹

環繞清幽異常清雍正間邑人王士珍歐陽春增建二層迴廊曲榭皆在雲煙繚繞樹影參差中洵所謂世外幽栖寰中勝景也

光緒志

寧州王元翰通海闕禎兆題石

深山曲磴足音無賴靜天空水自呼草蔓已封僧去路鳥聲旋閉客來途
虛心頓淨鐘三杵秋色頻分酒一壺起向嶺巔尋勝蹟白雲如帶掛蒼梧

翠煙寒處白雲無我欲乘雲試一呼開勢千層啓法象江聲萬里割征途
細尋彩筆餘蒼蘚遙擬冰心照玉壺隔代風流詩思老猶聞鳴鳳在高梧

溫泉春暖

在館驛城西五里其泉溫暖異常土人置雞子於中頃

刻成熟尤能除疾每歲春村民爭浴其間邑人因建屋覆之旁有

寺曰頂寺樹木葱蘢頗饒佳趣清咸豐六年燬於兵

光緒志

獅象守關 在侯家籌曲江通海交界處兩山對峙中有石門以通

往來左爲獅山右爲象山形勢巍峨宛然如繪昔人題曰獅象守

關名以實著亦奇觀也

光緒志

法華古刹 在曲江阿臘寨明僧慧心建其地林幽景邃慧心挂錫

於此外有龍潭霽雪新橋夜月石磴雄關巖畔平田梁山曉嶂曲
水晴嵐諸名勝其後山乃慧心伏虎之所又有慧心趺坐參禪處

至今遺跡尙存

光緒志

石屏州

石坪 蜀漢建興三年武侯南征至响町西望白雲如幕恐蠻兵潛

伏密訪其下石盤如蓋東南隅伏地五六尺西北則虬石斑剝渙
若雲浮疊若浪湧占云石爲雲根雲爲文采千百年後必有規方

是域而文儼中州焉

臨安府志

元至元十年建州名石坪令羅撤巡鎮明

初易坪爲屏

石屏州志

道光志舊志既以臨安爲貴古又以臨安爲畝町考貴古屬益州郡畝町屬牂牁郡何以兩郡兩縣并於一地俟考

石龍

在海東山峽中海水洩處水由臨安入雲津洞暗流歸阿迷

州其山峽中流橫一石龍水由上行旱澇毫無增減

節古今圖書集成

仙人石枰

在筆山之頂相傳昔有樵者遇二仙弈於此今遺枰宛

然考九州要記王質爛柯處在嵩州昆明此又其遺跡歟

臨安府志

明諸生郡人張琮仙人石枰

借大名山作一枰上方諸老適閒情撒開手眼爭還讓看破興亡負亦贏著意彈敲盤幾易回頭審顧勢頻更當年自爛樵柯後躡足何人向此行

萬仙石廬

在乾陽山頂依巖結廬俯視羣峯如層波疊浪與異湖

相蕩激吳三桂時邑人萬肅隱處於此

臨安府志

孝感泉 在城西五畝赤木山下明孝子許邦相廬墓時所致也督

學范允臨題爲孝感泉

臨安府志

壽水井 在梅箐道左水出石間味極清冽不溢不竭行旅賴之

石屏州志

摩崖 石屏州梅嶺崖鐫有浴華山三字柞嘉石壁又有洞口長春

四字李家崖又有元石二字大水又有道山二字皆舉人李仁居
手蹟而龍井崖屏海激波四大字尤端嚴壯麗雄勁可觀不知誰

氏所作也

臨安府志

石龍水 在龍朋里阿古黑山麓鱗甲皆具水從鼻孔流出隨脊流

下至尾旁無遺漏下鑿石聚水供一寨之用

石屏州志

乾陽仙洞 在城北山上高敞可坐百人相傳羽士煉丹於此

臨安府志

籠頭樹

在龍港西蝙蝠山之麓其西有樹臨湖南岸如馬絡俗以

其形謂之馬籠頭樹樛枝屈蟠甚奇古

石屏州志

碧蓮臺 在寶秀城之左巨石巉巖橫空離立高百餘丈下瞰西湖

波光雲影與萬家煙火相爲掎映

臨安府志

曉湖晴墅 在城南帽盒山之陽面臨異湖有鏡舫荷池諸勝州人

孫申之別業

臨安府志

孫申之迴文詩

攜筇信步緩尋幽遠墅環山接水流池噴碧荷香靄靄岸鋪青草嫩油油棋敲震響驚飛鳥酒醉忘機息睡鷗奇境置成天用巧支撐任樹古潛虬

古柏山房 在寶秀湖之南明僉事郡人張一甲讀書之所裔孫漢

能事其業以鴻博再入翰院歸里後仍卜築於斯壁上題喚魚池

三字大盈丈如饑蛟臥龍岌岌飛動

臨安府志

耕樂園 在謝家山下何慥別業

石屏州志

御史郡人張漢耕樂園

飄飄風細漫吹衣信步支筇入遠扉怪石亂排怡鶴徑梅花輕點釣魚磯
庭餘老樹陰猶渥室有頑雲凍不歸一水灌園成甕拙丈人心事本無機

活水園 在普陀巖下侍講許賀來別墅南岡徐鐸題爲湖山第一

臨安府志

知縣郡人許湜活水園

先世休沐地且樂構園池枕山面異水形勢無踰茲巖上闢闢若世代頻推移榛荆生蓮座佛頭綴蛛絲青苔雙樹在蟠屈虬龍枝
緬昔先太史將母賦歸辭烟霞性所癖力將荒穢治大士輝色相亭館羅參差鑿沼引清泉穿塔塔流瀾瀾種松更移竹桃柳夾徑迷
看山矮築垣愛月廣前墀一邱復一壑位置各相宜更名曰活水輞川不足奇廿載湖山主魚鳥皆熙熙或飲陶公酒時吟白傅詩
春花與秋月魂夢不相離喜今開拓室靈爽或憑之泉石香翰墨霜露感孝思敢言光祖德於此存先規爲語後來者無忘創業時

許湜活水園一鑑亭感懷

白雲流水淡生涯偶坐閒亭感物華不見當年人醉石依然茂樹鳥啼花
風清松竹淵明徑雨長蓬蒿仲蔚家惟有銜泥雙燕子自來自去領煙霞

怡耕園 許賀來別墅

道光志

許賀來怡耕園

夙尙志邱壑望雲辭朝省小築園山下地偏塵事屏臥隱鳥鳴春
坐看樵歸嶺蘿月襟懷清松風琴几靜樂意尋孔顏非關慕箕穎

止園 在大水城之北張一甲別業老屋一區樹木交陰頗饒野趣

臨安府志

浮石舫 在異湖中央浮石島上澄波迴環涵清繚碧四面空濛不

辨涯際明副使陳鑑讀書之所後爲總兵許名臣所有明亡後庵

毀清乾隆中島歸宗永羅鳳彩然荒廢不復建屋矣

臨安府志
兼採訪

張一甲浮石舫

異湖雙島峙井石障瀾東一點青螺小浮槎徑若通結廬去人境古木攢壑邃四圍千峯譟萬頃遠帆風貝闕蜃樓影蛟人水國中
相忘天與海白鷗閒似翁憑欄方一眺客至已驚鴻燒葦煮細鱗酒滴小槽紅對牀風雨夜清話悟真空吹簫偶弄月雅調難商宮

羲皇北窗下月高正朦朧那知盛靡騁此地若爲容談劇謀吞海詩狂欲駕虹伊人秋宛在挾山陋採菊一在飛來後今昔將無同

星聚館 在城南孫穎授徒於此幾三十年生徒二百餘人門署曰

翰墨林許賀來張漢等皆出其門時稱門牆之盛

石屏
州志

藕花居 在大水城上有臺顏曰極高明其下層樓曲榭水檻風亭

繞以菱荷彌望如繡郡人刺史孫光緒別業

臨安府志

盤谷居 一山繞綠兩山排青眞盤谷也州人李繹隱處於此

臨安府志

八面樓 在城西明都督龍在田建

臨安府志

謝氏山亭 在城北四里許集英山明州人謝正闢地引泉建亭於

上下有躬耕巖石洞甚奇

臨安府志

程封謝氏山亭

選勝赴良遊東山舊雲樹龍湫天上來懸流響煙霧萬古盤青壁揚袂無餘步俯瞰島嶼低始歷攀陟趣規模草創間結構勞才具
峯頂宜花龕別擁探芝路南陽嘉遯好躬耕樂情素誰云洞壑淺擬與鸞鶴遇谷鳥嘯聲篴近郭兼羣聚座上多名賢延賞得佳句

高會宴丹邱歸軒忘日暮

何其偉謝氏山亭

寺冷池亭廢苔深石徑斜遊人空駐馬昏樹自鳴鴉
草合攜筇處雲封賭墅家棲遲問遺跡無語對煙霞

學正蒙化張端亮氏山亭

謝家亭館舊栽梅老幹扶疎向雪開
賭墅是誰羞折屐攜筇有伴破蒼苔
可堪歲宴人千里共對寒香酒一杯
春到故園頻悵望何時吹笛傍瑤臺

狎鷗亭 在異湖五龍山南灣中魚車洞明同知郡人楊忠亮別業

臨安府志

楊忠亮狎鷗亭歌

入林林更密入山山更深
鹿麕鶴子作儔侶此意但憑塵
囂侵昔人買山隨買斧採盡山頭了無取
而今山木交青煙况復明湖照幽塢
鑿磴通幽薄結廬臨水濱橫披鹿皮褥側掛鹿胎巾
牧羊與抱犢灌園且躬耕無慮無營葛天叟不識不知帝堯人堯時巢許
不可面暮暮朝朝何所見深山故曲武表峯滄波映出廣寒殿
且歌且飲樂何如一游一泳從吾便風引松篁弄玉笙水侵菱荷戲
鷗鷺數聲鐵笛驚長夢一帖南華隨短檠夜識金銀如蜃氣蚤收病稻有
蓴羹海鷗較似浦鷗樂野老不與海鷗爭君不見漢時禽
慶耽衝霍白紵芒鞋背城郭煙霞泉石在膏肓冥鴻肯效藩籬雀
又不見晉朝酒德推劉伶鎮日藉糟復捧罌幕天席地酣衾枕
醉後安知身後名登高泰山小飲水江海窄洗心洗不淨洗耳洗不潔
芳菊漫開彭澤徑好花偏放銅駝陌深深酌浩浩歌綠樹青山
常不改年年江水慣漁簑

抱膝亭 在小水城之陰許氏宗祠之側州人許昭來別業有昭來

抱膝望湖塑像亭址前後凡三易最初在許氏宗祠西清道光中